

MUSTÉR

Seniors san far diever gratuit dalla pendiculara

(anr) Dils 10 entochen ils 30 da schaner 2011 san tuttas senioras sur 64 onns e tuts seniors sur 65 onns dil cantun Grischun far diever gratuit dalla pendiculara da Mustér da S. Catrina a Caischavedra. Cun quella purschida vul la Pendicularas Mustér SA porscher allas persunas en pensiun empau variaziun durant il temps d'unviern.

LAAX

Hip-hop denter Nadal e Daniev el Riders Palace

(anr) Per la fin digl onn vegn purschiu el Riders Palace a Laax arranschaments da hip-hop. Gievgia, ils 30 da december 2010 ei la gruppa «Sens Unik» d'udir el Riders Palace. Suenter ina pausa da rondund tschun onns ei la gruppa cun ragischs ella Svizra franzosa sedecidida per ina turnea da giubileum per ses 20 onns d'existenza. A Laax vegn ella a mussar pertgei ch'ella ei «unica». Era quei concert entscheiva allas 22.00. Ina gronda parti vegn era purschida uonn da s. Silvester a Laax avon ch'ei suondien differents ulteriurs concerts ils meins d'unviern schaner e fevrer. Denter auter vegn purschiu ils 26 da fevrer 2011 la «I love the 80s-Party» cun David Hasselhoff ed il «Baywatch Soundsystem».

ARTG PERSONAL

Gratulaziun a Glion. Per la fin da december sa Ida Panier da Sagogn festivar il giubileum da lavur da diesch onns ed Alfred Vincenz da Schlans quel da tschun onns tier la Banca Raiffeisen Surselva. Cussegl d'administraziun, direzzion, collaboraturas e collaboratur gratuleschan als dus fideivels collegas da lavur per lur engaschament professional e per l'emperneivla collaboraziun.

LA QUOTIDIANA

Editura: Südostschweiz Presse und Print AG
 Editur: Hanspeter Lebrument
 CEO: Andrea Masüger

Schefredactur: Martin Cabalzar

Redacziun

Agentura da Novitads Rumantscha (ANR):
 Flurin Andry (fa), Gieri Antoni Caviezel (gac),
 Claudia Cadruvi (vi), Martina Fontana (mfo), Hans
 Huonder (hh), Susi Rothmund (sr), Gion Nutegn
 Stgier (gns), Giusep Venzin (gv).

Collavoratur redacziunalas:

Andreas Cadonau (ac), Giusep Capaul (gc),
 Lucas Deplazes (ld), Paul Dosch (pd).

Adressas redacziunalas:

La Quotidiana, Via comerciala 22, 7007 Cuira,
 tel. 081 920 07 10, fax 081 920 07 15,
 mail: redaktion-lq@suedostschweiz.ch

Agentura da Novitads Rumantscha (ANR)

Via da Masans 2, 7000 Cuera,
 tel. 081 250 48 00, fax 081 250 48 03,
 mail: anr@spin.ch
 Surselva: tel. 081 936 47 00, fax 081 936 47 01,
 mail: surselva@anr.ch
 Engiadina: tel. 079 218 27 60, fax 081 856 11 59,
 mail: engiadina@anr.ch
 Surmeir: tel. 079 430 69 30, fax 081 684 32 82,
 mail: surmeir@anr.ch

Editura Südostschweiz Presse und Print AG.

Via da la caserna 1, 7007 Cuira;
 tel. 081 255 50 50, fax 081 255 51 10
 mail: cmoser@suedostschweiz.ch

Servetsch d'abunents e da distribuziun:

tel. 0844 226 226, mail: abo@suedostschweiz.ch

Inserats

Südostschweiz Publicitas AG,
 Via S. Clau Sura 11, 7130 Glion
 tel. 081 920 07 17, fax 081 920 07 18,
 mail: ilan@so-publicitas.ch

La Quotidiana cumpara tschintg giadas ad emna
 Ediziun: «Die Südostschweiz»: 124 760 exemplars.
 Dumber da lecturs: 235 000

Comunicaziun da participaziun considerablas

sin fundament da art. 322 CP:
 Südostschweiz Radio AG, Südostschweiz TV AG,
 Südostschweiz Emotion AG, Südostschweiz
 Pressevertrieb AG, Südostschweiz Partner AG,
 ergo use swiss ag.

Dretgs d'editur

Igl è scumandà a terzas persunas betg
 autorisadas da reutilisar en ina moda u maniera ils in-
 serats stampads en quest titel u parts da quels, surtut cun
 endatar eis en in servetsch d'online. Mintga cuntren-
 zion vegn persecutada giudizialmain da la societad da
 propaganda, suenter avair consultà la editura.

Südostschweiz Presse und Print AG

A Sedrun e si Bargis

Ils curridders da cuorsa liunga alla tscherca dalla neiv

DA GIUSEP VENZIN / ANR

■ **Ferton che las pistas da skis ein ennevadas cun neiv artificia e in las loipas en Surselva per la gronda part aunc buca tratgas muort munconza da neiv.** Bunas relaziuns anflan ils curridders da cuorsa liunga actualme in sulet a Sedrun ed a Bargis. A Sedrun stat ina loipa da diesch kilometers a disposiziun. Leu ha liug oz il Swisscom-Nordic Day. Quella occurrenza era prevedida a Trun sut la direzzion da Nordic Surselva en collaboraziun culla scola da skis Sedrun. Entschviders han la caschun da far in fuffernadi per prezi favoreivel. 70 persunas ein s'annunziadas per l'occurrenza.

Semtgai l'entschatta december

A Trin, Sagogn e Trun ei la cozza da neiv aunc memia satella per trer ina loipa. Il medem vala per Breil, Degen e Mustér. Flurin Maissen, il president da Nordic Surselva, di: «Denter Trun e Mustér schaijan entuorn tschun centimeters, quei tonscha buc.» Sil territori da Nordic Surselva, da Trun a Mustér, era il trassé semtgai l'entschatta december. Construidas ein las punts sur il Rein e sur ils uals, denter auter cun ina nova punt sur il Rein da Sumvitg. Semtgada ei era la loipa da notg a Trun. Per rondund 20 000 francs ha il Club da skis Trun actualisau igl indrez e l'avertura cun ina cuorsa da sprint era prevedida per oz.

Cuorsa a Bargis

Damaun ha liug l'emprema cuorsa el rom dil Cup Vita Surselva. La cuorsa ei



La loipa sper il Rein sco tratga igl unviern vargau ei in siemi. Ina loipa datti actualme in a Sedrun, a Bargis ed a Flem.

MAD

spustada da Trin a Bargis. La vallada sin 1500 meters sur mar al pei dil Crap da Flem ha surviu savens sco liug d'untgida per cuorsas a Trin ed a Flem. Quei duei era restar aschia egl avegnir. La vischnaunca da Flem vul remplazzar ils containers all'entrada cun in baghetg da cuorsa liunga. Las loipas a Bargis ein tratgas buname in diltut ella planira.

Per far buna figura ell'emprema cuor-

sa dil Cup Vita Surselva han ils giuvs curridders dil Team Panda dil Club da skis Trun trenau ier a Breil. Leu ei la loipa agl ur dil vitg tratga.

Dapli neiv a Campra

Ina alternativa pils curridders sursilvans ei Campra. Leu hai dapli neiv ed il center da cuorsa liunga el sid dil Lucmagn ei oz liug d'ina cuorsa internaziunala. Las

cuorsas en Surselva han liug la davosa fin d'jamna da schaner. La sonda, ils 29 ha liug la cuorsa Surselva Classic da Trun a Mustér. Alla cuorsa da promozion per la loipa dallas treis vischnauncas Trun, Sumvitg e Mustér survegnan ils curridders pil daner da partenza da 20 francs pushegn sin via e gentar el final. La davosa dumengia da schaner stat il Maraton dalla Surselva sil program.

Di d'affons 2010 – 80 affons ein s'entupai

Ina acziun dalla Scola mercantila Surselva a Glion

■ **(cp) Era uonn han scolars e scolaras dalla Scola mercantila a Glion organisau in di da divertiment per affons da scoletta. 80 affons da vischnauncas vischinontas han priu part da quella occurrenza che ha giu liug ils 18 da december, in di da bellezi'aura, a Glion.** Igl eveniment ha entschiet gia la damaun allas 09.30. Ils affons ein mintgamai vegni parti si en gruppas da 8 entochen 10 affons. Quels ein vegni accompignai igl entir di d'ina menadra. Ensemen han els visitau ils differents posts. Ils affons han giu grond plascher da malegiar vid las finiastras, far sport, zambergiar steilas, dar

giugs, encurir scazis, tedlar historias e mirar tier tgei ch'il casperet raquintava.

Suenter in bein meritau gentar eran ils affons puspei plein energia e motivaziun da cuntinuar cun las differents activitads.

La sera han ils geniturs puspei saviu vegnir per lur affons ed aunc star da cuminonza e magliar petta e beiber caffè ensemen cun ils menaders ed organisaturs.

Nus dalla scola mercantila havein giu grond plascher d'astgar passentar quei bi di cun ils affons. Era essan nus surstai che aschi biars affons han priu part da nosa

occurrenza. Igl ei stau in grond success e nus havein saviu rimnar fetg bia experienza e havein bialas memorias da quei di. La tarlischur els egl dils affons vegnin nus mai ad emblidar.

Nus sperein ch'els affons ed ils geniturs hagian saviu guder in bi di. Vinavon sperein nus d'era l'auter onn astgar benventar tons affons al di d'affons.

Cordial engraziament als affons ed era a lur geniturs. Era in grond engraziament als sponsurs dil di d'affons. Senza il sustegn dils sponsurs fuss ei buca stau pusseivel dad organisar quei bi di.



Ils affons han giu lur gaudi.

FOTOS MAD

Rondund 80 affons han priu part da quei arranschament organisau dalla Scola mercantila Surselva a Glion.